


# Skilningarvitin fimm

Með eyranu ég heyri  
brunabílinn úti á götu,  
vatn sem rennur oní fötu.  
Ég heyri líka ef þú kallar á mig.




Með auganu ég horfi  
á gulan fífil úti á engi,  
boltaleik og glaða drengi.  
Ég sé það líka ef þú blikkar til mín.



Með munninum ég smakka  
finn bragð af papriku og köku,  
heita rabarbaraböku.  
Ég smakka líka góða ísinn hjá þér.



Með nefinu ég þefa  
finn lykt af bílum úti á götu,  
blómailm og kæsta skötu  
Ég finn það líka ef þú prumpar hjá mér.



Með höndunum ég snerti  
hrjúfan stein og slétta rúðu,  
skarpa nál og mjúka brúðu.  
Ég finn það líka ef þú gefur mér knús.

